

Қазақстан Республикасының мемлекеттік қазынашылық міндеттемелерін шығарудың, орналастырудың, айналысқа қосудың, қызмет көрсетудің және өтеудің ережесін бекіту туралы

Күшін жойған

Қазақстан Республикасы Үкіметінің 2004 жылғы 8 қыркүйектегі N 941 қаулысы. Күші жойылды - ҚР Үкіметінің 2009 жылғы 3 сәуірдегі N 466 Қаулысымен

Ескерту. Қаулының күші жойылды - ҚР Үкіметінің 2009 жылғы 3 сәуірдегі N 466 (2009 жылғы 1 қаңтардан бастап қолданысқа енгізіледі) Қаулысымен.

Қазақстан Республикасының 2004 жылғы 24 сәуірдегі Бюджет кодексінің 199-бабының 2-тармағына сәйкес Қазақстан Республикасының Үкіметі қаулы етеді:

1. Қоса беріліп отырған Қазақстан Республикасының мемлекеттік қазынашылық міндеттемелерін шығарудың, орналастырудың, айналысқа қосудың, қызмет көрсетудің және өтеудің ережесі бекітілсін.

2. Осы қаулыға қосымшаға сәйкес осы қаулы қолданысқа енгізілген күнге дейін шығарылған мемлекеттік бағалы қағаздарды соңғы өтеу сәтінен бастап Қазақстан Республикасы Үкіметінің кейбір шешімдерінің күші жойылды деп т а н ы л с ы н .

Ескерту. 2-тармаққа өзгерту енгізілді - ҚР Үкіметінің 2005.08.04. N 813 қаулысымен.

3. Осы қаулы 2005 жылғы 1 қаңтардан бастап қолданысқа енгізіледі.

Ескерту. 3-тармаққа өзгерту енгізілді - ҚР Үкіметінің 2005.08.04. N 813 қаулысымен.

Қ а з а қ с т а н Р е с п у б л и к а с ы н ы ң

Премьер-Министрі

Қ а з а қ с т а н Р е с п у б л и к а с ы

Ү к і м е т і н і ң

2 0 0 4 ж ы л ғ ы 8 қ ы р к ү й е к т е г і

N 9 4 1 қ а у л ы с ы м е н

бекітілген

Қазақстан Республикасының мемлекеттік қазынашылық міндеттемелерін шығарудың, орналастырудың, айналысқа қосудың, қызмет көрсетудің және өтеудің ережесі

1. Жалпы ережелер

1. Осы Ереже Қазақстан Республикасының аумағында мемлекеттік қазынашылық міндеттемелерді (бұдан әрі - қазынашылық міндеттемелер)

шығарудың, орналастырудың, айналысқа қосудың, қызмет көрсетудің және өтеудің тәртібін анықтайды.

2. Қазынашылық міндеттемелер Қазақстан Республикасы Үкіметінің атынан Қазақстан Республикасының Қаржы министрлігі эмиссиялайтын мемлекеттік эмиссиялық бағалы қағаздар болып табылады.

2. Осы Ережеде пайдаланылатын ұғымдар

3. Осы Ережеде мынадай ұғымдар пайдаланылады:

1) эмитент - Қазақстан Республикасының Қаржы министрлігі;

2) қаржы агенті - эмитентпен жасалған қазынашылық міндеттемелерді орналастыру туралы агенттік келісімнің негізінде эмитенттің атынан және оның тапсырмасы бойынша қазынашылық міндеттемелерді орналастыруды жүзеге асыратын заңды тұлға;

3) депозитарий - эмитентпен жасалған шартқа сәйкес төлем агентінің функцияларын және қазынашылық міндеттемелерді есепке алу мен қызмет көрсету жөніндегі функцияларды жүзеге асыратын "Бағалы қағаздардың орталық депозитарийі" акционерлік қоғамы;

4) қазынашылық міндеттемелерді орналастырудың ішкі ережесі - оның негізінде қаржы агенті қазынашылық міндеттемелерді орналастыруды жүзеге асыратын қаржы агентінің эмитентпен келісілген ішкі құжаты;

5) қазынашылық міндеттемелерге қызмет көрсету мен өтеудің ішкі ережесі - оның негізінде депозитарий қазынашылық міндеттемелерге қызмет көрсету мен өтеуді жүзеге асыратын депозитарийдің эмитентпен келісілген ішкі құжаты;

6) бастапқы дилер - белгіленген тәртіп пен қазынашылық міндеттемелерді орналастыруға қатысуға жіберілген бағалы қағаздар рыногының кәсіби қатысушысы.

4. Эмитенттің бас қаржы агенті Қазақстан Республикасының Ұлттық Банкі болып табылады, ол эмитентпен жасалған бас агенттік келісімнің негізінде ішкі қаржы рыногында қарыз алу мәселелері бойынша эмитенттің қаржылық кеңесшісінің функцияларын жүзеге асырады.

3. Қазынашылық міндеттемелерді шығарудың, орналастырудың, айналысқа қосудың, қызмет көрсетудің және өтеудің жалпы шарттары

5. Қазынашылық міндеттемелер құжаттық емес нысанда шығарылады.

6. Әрбір шығарылымның Қазақстан Республикасының қолданыстағы заңнамасына сәйкес бағалы қағаздар рыногын мемлекеттік реттеу мен қадағалауды жүзеге асыратын уәкілетті орган беретін ұлттық сәйкестендіру нөмірі (ҰСН) болады.

7. Қазынашылық міндеттемелер аукционды өткізу, жете орналастыру, қайта ашу, жазылу жолымен және қазынашылық міндеттемелерді орналастырудың ішкі ережелерімен белгіленген басқа да тәсілдермен орналастырылады.

8. Қазынашылық міндеттемелерді және олар бойынша құқықтарды есепке алу депозитарийдегі бастапқы дилерлердің дербес шоттары бойынша және Бастапқы дилерлердің дербес шоттарында ашылған инвесторлардың жеке қосалқы шоттарында жүзеге асырылады. Депозитарий төлем агентінің функцияларын жүзеге асырады, олар орналастыру кезінде бастапқы рынокта, қазынашылық міндеттемелерді айналысқа қосу және өтеу кезінде қайталама рынокта, сондай-ақ қазынашылық міндеттемелерге қызмет көрсетуде (сыйақыны есептеу және төлеу) қазынашылық міндеттемелер бойынша есеп айырысуларды жүзеге асыруда ж а с а л а д ы .

9. Қазынашылық міндеттемелердің әрбір шығарылымының көлемі мен шарттарын Қазақстан Республикасының тиісті жылға арналған республикалық бюджет туралы заңымен белгіленген оған қызмет көрсетуге арналған үкіметтік борыш пен шығыстар лимитінің шегінде эмитент белгілейді.

10. Қазынашылық міндеттемелерді орналастыру, қызмет көрсету және өтеу тәсілдерінің шарттары мен рәсімдері қазынашылық міндеттемелерді орналастырудың ішкі ережесімен және тиісінше қазынашылық міндеттемелерге қызмет көрсету және өтеу ережесімен белгіленеді.

11. Қазақстан Республикасының заңды және жеке тұлғалары - резиденттері мен резидент еместері Бастапқы дилерлер арқылы қазынашылық міндеттемелерді сатып ала алады.

12. Эмитент қазынашылық міндеттемелердің мынадай түрлерін:

- 1) қысқа мерзімді қазынашылық міндеттемелерді
- 2) орта мерзімді қазынашылық міндеттемелерді
- 3) ұзақ мерзімді қазынашылық міндеттемелерді
- 4) орта мерзімді индекстелген қазынашылық міндеттемелерді
- 5) ұзақ мерзімді индекстелген қазынашылық міндеттемелерді
- 6) ұзақ мерзімді жинақтаушы қазынашылық міндеттемелерді

шығаруды, орналастыруды, айналысқа қосуды, қызмет көрсетуді және өтеуді ж ү з е г е а с ы р а д ы .

13. Депозитарий орналастырылған қазынашылық міндеттемелер бойынша есеп айырысуларды жүзеге асырған күн қазынашылық міндеттемелерді айналысқа қосудың басталу күні болып есептеледі. Қазынашылық міндеттемелерді айналысқа қосу осы міндеттемелерді өтеген күннің алдындағы соңғы күн өткеннен кейін аяқталады.

14. Осы міндеттемелер бойынша сыйақы есептелетін бірінші күн болып оларды айналысқа қосу басталған күн, ал соңғы күн болып - оларды өтеген күннің алдындағы соңғы күн есептеледі.

Қазынашылық міндеттемелер бойынша сыйақы төлеу қазынашылық міндеттемелердің жекелеген түрлерін шығарудың шарттарымен белгіленген

күндерде жүргізіледі. Егер қазынашылық міндеттемелерді шығару шарттарында өзге мерзім көзделмесе, соңғы сыйақыны төлеу қазынашылық міндеттемелерді өтеу күнімен сәйкес келеді. Егер қазынашылық міндеттемелер бойынша сыйақы төлеу күні жұмыс күніне келмесе, онда төлем жұмыс істемейтін күннен кейінгі бірінші жұмыс күні жүргізіледі.

15. Қазынашылық міндеттемелерді өтеу оларды айналысқа қосу мерзімі аяқталғаннан кейінгі бірінші күні атаулы құн бойынша жүргізіледі. Егер қазынашылық міндеттемелердің атаулы құнын өтеу күні жұмыс істемейтін күнге келсе, онда өтеу жұмыс істемейтін күннен кейінгі бірінші жұмыс күні жүргізіледі.

16. Эмитент қайталама рынокта рыноктік баға бойынша қазынашылық міндеттемелердің белгілі бір шығарылымының барлық немесе ішінара көлемін сатып алуға және оларды өтеуге құқылы.

Қазынашылық міндеттемелердің белгілі бір шығарылымының барлық көлемін сатып алу туралы эмитенттің шешімі осындай сатып алу күніне дейін бір ай ішінде қаржы агентіне жеткізіледі, ол өз кезегінде осы хабарламадан кейін 5 күнтізбелік күннің ішінде осы туралы бастапқы дилерлерге хабарлайды.

17. Қазынашылық міндеттемелермен операциялар бойынша салық салу тәртібі Қазақстан Республикасының заңнамасына сәйкес анықталады.

4. Қысқа мерзімді қазынашылық міндеттемелер

18. Қысқа мерзімді қазынашылық міндеттемелер дисконтталған эмиссиялық бағалы қағаздар болып табылады.

19. Қысқа мерзімді қазынашылық міндеттемелердің атаулы құны - 100 теңге.

20. "Мемлекеттік қысқа мерзімді қазынашылық міндеттеме" атауы орыс тілінде "Государственное краткосрочное казначейское обязательство" (ГККО) деп аталады.

21. Қысқа мерзімді қазынашылық міндеттемелер үш, алты, тоғыз және он екі ай айналысқа қосу мерзімдерімен шығарылады.

22. Сыйақыны есептеу үшін қысқа мерзімді қазынашылық міндеттемелерді айналысқа қосу мерзімінде күндердің іс жүзіндегі саны пайдаланылады.

23. Қысқа мерзімді қазынашылық міндеттемелерді орналастыру дисконтталған баға (атаулы құннан төмен баға) бойынша өтеу - атаулы құн бойынша жүзеге асырылады.

24. Қысқа мерзімді қазынашылық міндеттемелердің иелері заңнамалық кесімдерде белгіленген шектеулерді қоспағанда, қысқа мерзімді қазынашылық міндеттемелермен кез келген азаматтық-құқықтық мәмілелерді жүзеге асыра алады. Бұл ретте, инвестор қысқа мерзімді қазынашылық міндеттемелермен барлық операцияларды бастапқы дилер арқылы ресімдейді.

5. Орта мерзімді қазынашылық міндеттемелер

25. Орта мерзімді қазынашылық міндеттемелер купонды эмиссиялық бағалы қағаздар болып табылады.

26. Орта мерзімді қазынашылық міндеттеменің атаулы құны - 1000 теңге.

27. "Мемлекеттік орта мерзімді қазынашылық міндеттеме" атауы орыс тілінде "Государственное среднесрочное казначейское обязательство" (ГСКО) деп аталады.

28. Орта мерзімді қазынашылық міндеттемелер бір жылдан жоғары бес жылға дейін қоса алғанда айналысқа қосу мерзімдерімен шығарылады.

29. Орта мерзімді қазынашылық міндеттемелерді орналастыру және өтеу атаулы құн бойынша жүзеге асырылады, бұл ретте айналысқа қосу мерзімінің ішінде орналастырған кезде белгіленген купон деп аталатын сыйақы төленеді.

30. Орта мерзімді қазынашылық міндеттемелер бойынша купонның сомасын есептеу үшін есеп айырысу базасы - есеп айырысу айында 30 күн/есеп айырысу жылында 360 күн.

31. Орта мерзімді қазынашылық міндеттемелер бойынша купонды төлеу орта мерзімді қазынашылық міндеттемелерді тиісті айналысқа қосу жылы жылына екі рет эмитент белгілеген күндері жүзеге асырылады.

32. Купон сомасы мынадай формуламен анықталады:

$$S = N * C * 180 / 360$$

мұнда,

S, теңге - кезекті төлемге жататын орта мерзімді қазынашылық міндеттемелер купонның сомасы,

N, теңге - кезекті төлемге жататын орта мерзімді қазынашылық міндеттемелердің тиісті саны атаулы құнының сомасы,
C, % - купон ставкасы.

33. Орта мерзімді қазынашылық міндеттемелердің иелері заңнамалық кесімдерде белгіленген шектеулерді қоспағанда, орта мерзімді қазынашылық міндеттемелермен кез келген азаматтық-құқықтық мәмілелерді жүзеге асыра алады. Бұл ретте, инвестор орта мерзімді қазынашылық міндеттемелермен барлық операцияларды бастапқы дилер арқылы ресімдейді.

6. Ұзақ мерзімді қазынашылық міндеттемелер

34. Ұзақ мерзімді қазынашылық міндеттемелер купонды эмиссиялық бағалы қағаздар болып табылады.

35. Ұзақ мерзімді қазынашылық міндеттеменің атаулы құны - 1000 теңге.

36. "Мемлекеттік ұзақ мерзімді қазынашылық міндеттеме" атауы орыс тілінде "Государственное долгосрочное казначейское обязательство" (ГДКО) деп аталады.

37. Ұзақ мерзімді қазынашылық міндеттемелер бес жылдан жоғары айналысқа қосу мерзімімен шығарылады.

38. Ұзақ мерзімді қазынашылық міндеттемелерді орналастыру және өтеу атаулы құны бойынша жүзеге асырылады, бұл ретте, айналысқа қосу мерзімі ішінде орналастыру кезінде анықталған купон деп аталатын сыйақы төленеді.

39. Ұзақ мерзімді қазынашылық міндеттемелер бойынша купон сомасын есептеуге арналған есеп айырысу базасы - есеп айырысу айында 30 күн/есеп айырысу жылында 360 күн.

40. Ұзақ мерзімді қазынашылық міндеттемелер бойынша купон төлемі ұзақ мерзімді қазынашылық міндеттемелерді тиісті айналысқа қосу жылы жылына бір рет эмитент белгілеген күндерде жүзеге асырылады.

41. Купон сомасы мынадай формуламен анықталады:

$$S = N * C$$

м ұ н д а ,

S, теңге - кезекті төлемге жататын ұзақ мерзімді қазынашылық міндеттемелер купонының сомасы,

N, теңге - кезекті төлемге жататын ұзақ мерзімді қазынашылық міндеттемелердің тиісті саны атаулы құнының сомасы,
C, % - купон ставкасы.

42. Ұзақ мерзімді қазынашылық міндеттемелердің иелері заңнамалық кесімдерде белгіленген шектеулерді қоспағанда, ұзақ мерзімді қазынашылық міндеттемелермен кез келген азаматтық-құқықтық мәмілелерді жүзеге асыра алады. Бұл ретте, инвестор ұзақ мерзімді қазынашылық міндеттемелермен барлық операцияларды бастапқы дилер арқылы ресімдейді.

7. Орта мерзімді индекстелген қазынашылық міндеттемелер

43. Орта мерзімді индекстелген қазынашылық міндеттемелер купонды эмиссиялық бағалы қағаздар болып табылады.

44. Орта мерзімді индекстелген қазынашылық міндеттеменің атаулы құны - 1 0 0 0 теңге.

45. "Мемлекеттік орта мерзімді индекстелген қазынашылық міндеттеме" атауы орыс тілінде "Государственное среднесрочное индексированное казначейское обязательство" (ГСИКО) деп аталады.

46. Орта мерзімді индекстелген қазынашылық міндеттемелер бір жылдан жоғары бес жылға дейін қоса алғанда айналысқа қосу мерзімдерімен шығарылады және алты ай еселігі болуы тиіс.

47. Орта мерзімді индекстелген қазынашылық міндеттемелерді орналастыру және өтеу атаулы құны бойынша жүзеге асырылады, бұл ретте, айналысқа қосу мерзімі ішінде индекстелген купон деп аталатын сыйақы төленеді.

48. Егер эмитент қазынашылық міндеттемелерді шығарудың өзгеше күнін көздемесе, орта мерзімді индекстелген қазынашылық міндеттемелерді орналастыру айдың соңғы күнінің алдындағы жұмыс күні жүргізіледі.

49. Орта мерзімді индекстелген қазынашылық міндеттемелер бойынша купон сомасын есептеуге арналған есеп айырысу базасы - есеп айырысу айында 30 күн/есеп айырысу жылында 360 күн.

50. Индекстелген купон төлемі тиісті кезеңділікпен жылына екі рет эмитент белгілеген күндерде орта мерзімді индекстелген қазынашылық міндеттемелер бойынша жүзеге асырылады.

Бұл ретте, орта мерзімді индекстелген қазынашылық міндеттемелер бойынша индекстелген купон төлемі айналысқа қосатын әрбір алты толық күнтізбелік ай сайын айдың бесінші жұмыс күнінде жүргізіледі.

51. Орта мерзімді индекстелген қазынашылық міндеттемелерге салынған ақшаны индекстеу тіркелген купонды қосудан алынған, орналастыру кезінде анықталған индекстелген купонды және өткен купондық кезең үшін инфляция индексіні есептеу арқылы жүргізіледі.

52. Индекстелген купон сомасы мынадай формуламен анықталады:

$$S = N * I / 100 + C$$

м ұ н д а ,

S, теңге - кезекті төлемге жататын орта мерзімді индекстелген қазынашылық міндеттемелердің индекстелген купонының сомасы,

N, теңге - кезекті төлемге жататын орта мерзімді индекстелген қазынашылық міндеттемелердің тиісті саны атаулы құнының сомасы,

I, % - төлемге жататын өткен купон кезеңі үшін инфляция индексі,

б ұ л р е т т е ,

$$I = (((I_1 / 100) * (I_2 / 100) * (I_3 / 100) * \dots * (I_n / 100)) - 1) * 100,$$

м ұ н д а ,

$I_1, I_2, I_3, \dots, I_n$ - купондық кезеңнің тиісті айлары үшін тұтыну бағасының индекстері, I мәні үтірден кейін үш (қоса алғанда) санға дейін дөңгелектенеді,

C, - тіркелген купон сомасы,

$$C = N * K * 180 / 360,$$

м ұ н д а ,

K, % - орналастыру кезінде анықталған тіркелген жылдық купонның мәні.

53. Тұтыну бағасының индексіні Қазақстан Республикасының Статистика жөніндегі агенттігі ай сайын жариялайды.

54. Егер өткен купондық кезең үшін инфляция индексі теріс мәнге тең болған жағдайда, онда инфляция индексінің мәнін нөлге тең деп қабылдау қажет.

55. Орта мерзімді индекстелген қазынашылық міндеттемелердің иелері заңнамалық кесімдерде белгіленген шектеулерді қоспағанда, орта мерзімді индекстелген қазынашылық міндеттемелермен кез келген азаматтық-құқықтық

мәмілелерді жүзеге асыра алады. Бұл ретте, инвестор орта мерзімді индекстелген міндеттемелермен барлық операцияларды бастапқы дилер арқылы ресімдейді.

8. Ұзақ мерзімді индекстелген қазынашылық міндеттемелер

56. Ұзақ мерзімді индекстелген қазынашылық міндеттемелер купонды эмиссиялық бағалы қағаздар болып табылады.

57. Ұзақ мерзімді индекстелген қазынашылық міндеттеменің атаулы құны - 1 0 0 0 т е н г е .

58. "Мемлекеттік ұзақ мерзімді индекстелген қазынашылық міндеттеме" атауы орыс тілінде "Государственное долгосрочное индексированное казначейское обязательство" (ГДИКО) деп аталады.

59. Ұзақ мерзімді индекстелген қазынашылық міндеттемелер бес жылдан жоғары айналысқа қосу мерзімдерімен шығарылады және он екі ай еселігі болуы т и і с .

60. Ұзақ мерзімді индекстелген қазынашылық міндеттемелерді орналастыру және өтеу атаулы құны бойынша жүзеге асырылады, бұл ретте, айналысқа қосу мерзімі ішінде индекстелген купон деп аталатын сыйақы төленеді.

61. Егер эмитент қазынашылық міндеттемелерді шығарудың өзгеше күнін көздемесе, ұзақ мерзімді индекстелген қазынашылық міндеттемелерді орналастыру айдың соңғы күнінің алдындағы жұмыс күні жүргізіледі.

62. Ұзақ мерзімді индекстелген қазынашылық міндеттемелер бойынша купонның сомасын есептеу үшін есеп айырысу базасы - есеп айырысу айында 30 күн/есеп айырысу жылында 360 күн.

63. Индекстелген купон төлемі тиісті кезеңділікпен жылына бір рет эмитент белгілеген күндерде ұзақ мерзімді индекстелген қазынашылық міндеттемелер б о й ы н ш а жүзеге а с ы р ы л а д ы .

Бұл ретте, ұзақ мерзімді индекстелген қазынашылық міндеттемелер бойынша индекстелген купон төлемі айналысқа қосатын әрбір алты толық күнтізбелік ай сайын айдың бесінші жұмыс күнінде жүргізіледі.

64. Ұзақ мерзімді индекстелген қазынашылық міндеттемелерге салынған ақшаны индекстеу тіркелген купонды қосудан алынған, орналастыру кезінде анықталған индекстелген купонды және өткен купондық кезең үшін инфляция индексін есептеу арқылы жүргізіледі.

65. Индекстелген купон сомасы мынадай формуламен анықталады:

$$S = N * I / 100 + C ,$$

м ұ н д а ,

S, теңге - кезекті төлемге жататын ұзақ мерзімді индекстелген қазынашылық міндеттемелердің индекстелген купонының сомасы,

N, теңге - кезекті төлемге жататын ұзақ мерзімді индекстелген қазынашылық міндеттемелердің тиісті саны атаулы құнының сомасы,

I , % - төлемге жататын өткен купондық кезең үшін инфляция индексі,

$$I = \left(\left(\frac{I_1}{100} \right) * \left(\frac{I_2}{100} \right) * \left(\frac{I_3}{100} \right) * \dots * \left(\frac{I_n}{100} \right) - 1 \right) * 100,$$

м ұ н д а ,

$I_1, I_2, I_3, \dots, I_n$ - купондық кезеңнің тиісті айлары үшін тұтыну бағаларының индекстері, I мәні үтірден кейін үш (қоса алғанда) санға дейін дөңгелектенеді,

C , - тіркелген купон сомасы,

$$C = N * K$$

м ұ н д а ,

K , % - орналастыру кезінде анықталған тіркелген жылдық купонның мәні.

66. Тұтыну бағасының индексін Қазақстан Республикасының Статистика жөніндегі агенттігі ай сайын жариялайды.

67. Егер өткен купондық кезең үшін инфляция индексі теріс мәнге тең болған жағдайда, онда инфляция индексінің мәнін нөлге тең деп қабылдау қажет.

68. Ұзақ мерзімді индекстелген қазынашылық міндеттемелердің иелері заңнамалық кесімдерде белгіленген шектеулерді қоспағанда, ұзақ мерзімді индекстелген қазынашылық міндеттемелермен кез келген азаматтық-құқықтық мәмілелерді жүзеге асыра алады. Бұл ретте, инвестор ұзақ мерзімді индекстелген қазынашылық міндеттемелермен барлық операцияларды бастапқы дилер арқылы ресімдейді.

9. Ұзақ мерзімді жинақтаушы қазынашылық міндеттемелер

69. Ұзақ мерзімді жинақтаушы қазынашылық міндеттемелер купонды эмиссиялық бағалы қағаздар болып табылады.

70. Ұзақ мерзімді жинақтаушы қазынашылық міндеттеменің атаулы құны - 1 0 0 0 т е н г е .

71. "Мемлекеттік ұзақ мерзімді жинақтаушы қазынашылық міндеттеме" атауы орыс тілінде "Государственное долгосрочное сберегательное казначейское обязательство" (ГДСКО) деп аталады.

72. Ұзақ мерзімді жинақтаушы қазынашылық міндеттемелер жинақтаушы зейнетақы қорлары арасында орналастырылады, қазынашылық міндеттемелерді айналысқа қосу мерзімінің екінші бірі жинақтаушы зейнетақы қорлары арасында жүзеге асырылады, көрсетілген мерзім өткеннен кейін қазынашылық міндеттемелерді айналысқа қосу еркін негізде жүзеге асырылады.

73. Ұзақ мерзімді жинақтаушы қазынашылық міндеттемелер бес жылдан жоғары айналысқа қосу мерзімімен шығарылады және он екі ай еселігі болуы тиіс. Ұзақ мерзімді жинақтаушы қазынашылық міндеттемелерді шығарудың көлемі тиісті жылға арналған мемлекеттік қазынашылық міндеттемелерді

шығару жалпы көлемінің 30%-ынан аспауы тиіс.

74. Ұзақ мерзімді жинақтаушы қазынашылық міндеттемелерді орналастыру және өтеу атаулы құны бойынша жүзеге асырылады, бұл ретте айналысқа қосу мерзімі ішінде индекстелген купон деп аталатын сыйақы төленеді.

75. Егер эмитент қазынашылық міндеттемелерді шығарудың өзгеше күнін көздемесе, ұзақ мерзімді жинақтаушы қазынашылық міндеттемелерді орналастыру айдың соңғы күнінің алдындағы жұмыс күні жүргізіледі.

76. Ұзақ мерзімді жинақтаушы қазынашылық міндеттемелер бойынша купонның сомасын есептеу үшін есеп айырысу базасы - есеп айырысу айында 30 күн/есеп айырысу жылында 360 күн.

77. Индекстелген купон төлемі тиісті кезеңділікпен жылына бір рет эмитент белгілеген күндерде ұзақ мерзімді жинақтаушы қазынашылық міндеттемелер бойынша жүзеге асырылады.

Бұл ретте, ұзақ мерзімді жинақтаушы қазынашылық міндеттемелер бойынша индекстелген купон төлемі айналысқа қосатын әрбір он екі толық күнтізбелік ай сайын айдың бесінші жұмыс күнінде жүргізіледі.

78. Ұзақ мерзімді жинақтаушы қазынашылық міндеттемелерге салынған ақшаны индекстеу тіркелген купонды қосудан алынған, орналастыру кезінде анықталған индекстелген купонды және өткен купондық кезең үшін инфляция индексі есептеу арқылы жүргізіледі.

79. Индекстелген купон сомасы мынадай формуламен анықталады:

$$S = N * I / 100 + C,$$

м ұ н д а ,

S, теңге - кезекті төлемге жататын ұзақ мерзімді жинақтаушы қазынашылық міндеттемелердің индекстелген купонының сомасы,

N, теңге - кезекті төлемге жататын ұзақ мерзімді жинақтаушы қазынашылық міндеттемелердің тиісті саны атаулы құнының сомасы,

I, % - төлемге жататын өткен купондық кезең үшін инфляция индексі,
б ұ л р е т т е ,

$$I - (((I_1 / 100) * (I_2 / 100) * (I_3 / 100) * \dots * (I_n / 100)) - 1) * 100,$$

м ұ н д а ,

$I_1, I_2, I_3, \dots, I_n$ - купондық кезеңнің тиісті айлары үшін тұтыну бағаларының индекстері, I мәні үтірден кейін үш санға дейін (қоса алғанда) дөңгелектенеді,

C, - тіркелген купон сомасы,
б ұ л р е т т е , $C = N * K,$
м ұ н д а ,

K, % - орналастыру кезінде анықталған тіркелген жылдық купонның мәні.

80. Тұтыну бағасының индексін Қазақстан Республикасының Статистика жөніндегі агенттігі ай сайын жариялайды.

81. Егер өткен купондық кезең үшін инфляция индексі теріс мәнге тең болған жағдайда, онда инфляция индексінің мәнін нөлге тең деп қабылдау қажет.

82. Ұзақ мерзімді жинақтаушы қазынашылық міндеттемелердің иелері заңнамалық кесімдерде белгіленген шектеулерді қоспағанда, ұзақ мерзімді жинақтаушы қазынашылық міндеттемелермен кез келген азаматтық-құқықтық мәмілелерді жүзеге асыра алады.

Қ а з а қ с т а н Р е с п у б л и к а с ы

Ү к і м е т і н і ң

2 0 0 4 ж ы л ғ ы 8 қ ы р к ү й е к т е г і

№ 941 қаулысына қосымша

**Қазақстан Республикасы Үкіметінің күші
жойылған кейбір шешімдерінің тізбесі**

1. "Мемлекеттік қысқа мерзімді қазынашылық міндеттемелерді МЕККАМ шығару, айналысқа қосу және өтеу ережесін бекіту туралы" Қазақстан Республикасы Үкіметінің 1996 жылғы 25 маусымдағы № 786 қаулысы (Қазақстан Республикасының ПҮКЖ-ы, 1996 ж., № 29, 255-құжат).

2. "Қазақстан Республикасы Үкіметінің 1996 жылғы 25 маусымдағы № 786 қаулысына өзгерістер мен толықтырулар енгізу туралы" Қазақстан Республикасы Үкіметінің 1997 жылғы 22 сәуірдегі № 621 қаулысы (Қазақстан Республикасының ПҮКЖ-ы, 1997 ж., № 17, 145-құжат).

3. "Қазақстан Республикасының айналыс мерзімі екі жыл және одан да көп мемлекеттік орта мерзімді қазынашылық міндеттемелерін шығарудың, айналысқа қосудың және өтеудің ережесін бекіту туралы" Қазақстан Республикасы Үкіметінің 1997 жылғы 10 маусымдағы № 945 қаулысы (Қазақстан Республикасының ПҮКЖ-ы, 1997 ж., № 25, 228-құжат).

4. "Қазақстан Республикасының айналым мерзімі үш ай және одан астам мемлекеттік индекстелген қазынашылық міндеттемелерін шығарудың, олардың айналымының және өтелуінің тәртібін бекіту туралы" Қазақстан Республикасы Үкіметінің 1999 жылғы 10 наурыздағы № 220 қаулысы (Қазақстан Республикасының ПҮКЖ-ы, 1999 ж., № 8, 62-құжат).

5. "Қазақстан Республикасы Үкіметінің кейбір шешімдеріне өзгерістер мен толықтырулар енгізу туралы" Қазақстан Республикасы Үкіметінің 1999 жылғы 6 мамырдағы № 538 қаулысы (Қазақстан Республикасының ПҮКЖ-ы, 1999 ж., № 17, 182-құжат).

6. "Қазақстан Республикасы Үкіметінің кейбір шешімдеріне өзгерістер мен толықтырулар енгізу туралы" Қазақстан Республикасы Үкіметінің 2001 жылғы 2 сәуірдегі № 437 қаулысымен (Қазақстан Республикасының ПҮКЖ-ы, 2001 ж., №

13, 150-құжат) бекітілген Қазақстан Республикасы Үкіметінің кейбір шешімдеріне енгізілетін өзгерістер мен толықтырулардың 1, 2, 4-тармақтары.

7. "Қазақстан Республикасы Үкіметінің кейбір шешімдеріне өзгерістер мен толықтырулар енгізу және олардың күші жойылды деп тану туралы" Қазақстан Республикасы Үкіметінің 2001 жылғы 28 қазандағы N 1369 қаулысымен (Қазақстан Республикасының ПҮКЖ-ы, 2001 ж., N 36-37, 478-құжат) бекітілген Қазақстан Республикасы Үкіметінің кейбір шешімдеріне енгізілетін өзгерістер мен толықтырулардың 3, 7 және 12-тармақтары.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК